

দুরবস্থার পরপারে
পরমসত্য ও সুন্দর
ভগবানের সঙ্গে
যোগাযোগের উপায়



ওঁ বিষ্ণুপাদ
পরমহংসকুলবরেণ্য
শ্রীশ্রী ভক্তিরক্ষক শ্রীধর দেবগোস্বামী মহারাজ



ওঁ বিষ্ণুপাদ
পরমহংসকুল বরেন্দ্র
শ্রীশ্রীল ভক্তিরক্ষক শ্রীধর দেবগোস্বামী

দূরবস্থার পরপারে
পরমসত্য ও সুন্দর
ভগবানের সঙ্গে
যোগাযোগের উপায়

ওঁ বিষ্ণুপাদ

পরমহংসকুল-বরেণ্য

শ্রীল ভক্তিরস্কর প্রীধর দেবাগাস্বামী মহারাজ

আগ্রহী পাঠক বৃন্দ নিম্নলিখিত ঠিকানায়
যোগাযোগ করতে পারেন :—

শ্রীচৈতন্য সারস্বত মঠ

কোলারগঞ্জ, শ্রীনবদ্বীপধাম, নদীয়া,
পশ্চিমবঙ্গ, ফোন : (০৩৪৭২) ২৪০০৮৬

Web : <http://www.scsmath.com>

E-mail : math@scsmath.com

শ্রীচৈতন্য সারস্বত কৃষ্ণানুশীলন সংঘ

৪৮৭, দমদম পার্ক

কলকাতা - ৫৫

ফোন : (০৩৩) ২৫৯০-৯১৭৫

শ্রীভক্তিরক্ষক দিব্যবাণী

ভয়ং দ্বিতীয়াভিনিবেশতঃ স্যাদীশাদপেতস্য
বিপর্যয়োহস্মৃতি

তন্মায়য়াতো বুদ্ধাভজেৎ তয়ো ভক্ত্যেকয়েশং
গুরুদেবতাত্মা।।

(ভাঃ ১১/২/৩৭)

আমাদের ভয় এটা হচ্ছে দ্বিতীয়াভিনিবেশের
জন্য, separate interest ই হচ্ছে আমাদের
বিপদ সুতরাং Back to God Back to
Home; কেননা একটা পাগলের যেমন সবই
আছে, ছেলে-মেয়ে, পিতা-মাতা, সহায়-সম্পদ
কিন্তু মাথাটা বিগড়ে গিয়েছে, রাস্তায় কাগজ
কুড়িয়ে বেড়াচ্ছে, তাকে খানকতক কাগজ হাতে
দিলেই তো তার সেবা করা হবে না, তার ব্রেইনটার
যে এলোমেলোভাব সেইটাকে ঠিক করতে হবে।
সেই রকম আমাদের আসল সমস্যা হচ্ছে God

conscious অর্থাৎ ঈশ্বর চেতনা থেকে দূরে সরে আসার জন্য যে দ্বিতীয়াভিনিবেশ অর্থাৎ ঈশ্বর সম্পর্ক হীন অন্য কিছু খুঁজতে এসে এই land of misconception এখানে নিয়ে এসেছে, আর এখানে মায়াবশতঃ স্বরূপের বিস্মৃতি ঘটছে। মায়া মানে ‘মৃয়তে অনয়া’, আর ‘মা-যা’ অর্থাৎ যাহা নয়। রবিঠাকুরের বিসর্জন নাটকে তিনি বলছেন মহামায়া মানে মহামিথ্যা, এই মহামিথ্যার পাল্লায় পড়ে এই misconception, separate interest আমাদেরকে ঘোরাচ্ছে। এখন এসব থেকে বেরুনোর উপায় বলতে গিয়ে বলেছেন—

যজ্ঞার্থাৎ কন্মগোহন্যত্র লোকহয়ং কন্মবন্ধনঃ

(গীতা)

যজ্ঞ মানে ভগবদর্পিত নিষ্কাম-কর্ম অর্থাৎ ভগবৎ-প্রীতি সাধক কর্মই হচ্ছে যজ্ঞ। Action

Reaction অর্থাৎ আমি আজ যাকে খাচ্ছি সে একদিন আমাকে খাবে এভাবে চলতে থাকবে আর এ হোতে বেরুনো অত্যন্ত কঠিন, কেবল ঐ কৌশল দিয়ে বেরুতে হবে, ‘যোগ কর্মসুকৌশলম্।’ যোগ কি? সমস্ত কামনা বাসনা বিসর্জন দাও, লাভ লোকসান, জয়-পরাজয়, সুখ-দুঃখ সব বিসর্জন দিয়ে infinite -এর সঙ্গে কানেকশন্ কর। সেই প্লেনে যে ওয়েভ চলছে সেই ওয়েভের সঙ্গে তুমি হারমনিতে এস, এটি বাঁচবার বাঁচাবার শুধু নয়, এহল প্রকৃত সমৃদ্ধময় জীবন।

Land of dedication সেটা, সেখানে প্রত্যেকটা ইউনিট শুধু দেয়, নেয় না। ব্যাংকে টাকা জমা করে চেক কাটেনা। অর্থাৎ পরমেশ্বরকে শুধু সেবা করে যাওয়া বিনিময়ে কিছুর প্রত্যাশা নয়। এখানে **exploatation** করে বাঁচা মানেই একে অপরকে খাওয়া, আর সেখানে প্রত্যেকে কেবল নিজেই দেয়। সেবা করে সেখানে আনন্দ পাওয়া।

যায়। চন্দন ঘষলেই যেমন অতি সুন্দর সৌরভ উঠে তেমনি প্রত্যেকে সেবা করছে বলে সেখানে হলাহলের পরিবর্তে অমৃত উদ্ভিত হচ্ছে। সুতরাং, এই আত্মদান সেটার আবার দুই স্তর। প্রথম স্তরে বৈকুণ্ঠতে সেটা constitutional, আইন মেনে চলা, গান্ধী মেনে চলা আর তার উপরে সেটা continious — অটোমেটিক love of labour, সেখানে প্রত্যেকে নিজেকে বিতরণ করছে। এই হলো গোলক-বৃন্দাবনের পরিচয়। সেখানে শ্রীকৃষ্ণ তিনিই হচ্ছেন Reality the beautiful, আর এই জগত শাসন করবার মূল কারণ হচ্ছে প্রীতি, সৌন্দর্য্য— সত্যম্-শিবম্-সুন্দরম্, সৎ-চিৎ-আনন্দ, তিনিই প্রাইম কজ, তিনিই শাসন করছেন। এই সবই হচ্ছে মহাপ্রভুর চিন্তাধারা। এখন সেখানে যাওয়া যেতে পারা যায় যদি সেইরকম যোগাযোগ করা যায়, মহাপ্রভু বলছেন—

ব্রহ্মাণ্ড ভ্রমিতে কোন ভাগ্যবান্ জীব।
গুরু-কৃষ্ণ-প্রসাদে পায় ভক্তিলতা-বীজ।।
মালী হইয়া করে সেই বীজ আরোপণ।
শ্রবণ-কীর্তন-জলে করয়ে সেচন।।
উপজিয়া বাড়ে লতা ‘ব্রহ্মাণ্ড’ ভেদি যায়।
‘বিরজা’, ‘ব্রহ্মলোক’ ভেদি পরব্যোম পায়।।
তবে যায় তদুপরি ‘গোলক-বন্দাবন’।
‘কৃষ্ণচরণ’-কল্লবৃক্ষে করে আরোহণ।।

তাঁহা বিস্তারিত হইয়া ধরে প্রেম ফল।
ইঁহা মালী সেচে নিত্য শ্রবণাদি জল।।
প্রেমফল ‘পাকি’ পড়ে মালী আশ্বাদয়।
লতা অবলম্বি মালী কল্লবৃক্ষ পায়।।
তাহা সেই কল্লবৃক্ষের করয়ে সেবন।
সুখে প্রেমফল-রস করে আশ্বাদন।।

(চৈঃ চঃ মধ্য ১৯/১৫১-১৬৩)

এখন গৌড়ীয় সম্প্রদায় কি প্রচার করে? একটা

হচ্ ফচ্ পাঁচ মিশুলি খিচুড়ি পাকিয়ে বুঝিয়ে দেওয়া,
এই প্রকারের নয়, সূক্ষ্ম বিচার, শাস্ত্রের চুল
চেরাবিচার করে গোস্বামীগণ দেখিয়ে গেছেন,
মহাপ্রভুর প্রেরণা অনুসারে শ্রীসনাতন গোস্বামী,
শ্রীরূপ গোস্বামী, শ্রীজীব গোস্বামী দেখিয়ে গেছেন।
আর গৌড়ীয় মঠ মানে Comparative
study of Theology।

প্রশ্ন : যে গোলকের কথা বলা হচ্ছে সেখানে
কি ভাবে যাওয়া যেতে পারে ?

গুরুমহারাজ : হাঁ, সেখানে যাবার উপায়
আছে, আদৌ শ্রদ্ধা এই লাইনে যেতে হবে। শ্রদ্ধা
কাকে বলে ? ‘শ্রদ্ধা শব্দে বিশ্বাস কহে সুদৃঢ়
নিশ্চয় / কৃষ্ণে ভক্তি কৈলে সর্ব কর্ম কৃত হয়।’
এই ধরনের একটা সেন্ট্রাল টুথ আছে—

যস্মিন জ্ঞাতে সৰ্ব্বমিদং বিজ্ঞাতং ভবতি
যস্মিন প্রাপ্তে সৰ্ব্বমিদং প্রাপ্তং ভবতি।।

যাঁকে জানলে সব জানা হয়ে যায়, যাঁকে পেলে
সব পাওয়া হয়ে যায়, সাধারণ লোক বলবে এটা
পাগলামি বা বোকামীর কথা কিন্তু এইটাই আসল
কথা, ভাগবতে দৃষ্টান্ত দিয়ে বলছেন—

যথা তরোর্মূলনিষেচনেন তৃপ্যন্তি তৎস্কন্ধ
ভুজোপশাখাঃ ।

প্রাণোপহারাচ্চ যথেন্দ্রিয়ানাং তথৈব
সৰ্ব্বাৰ্হনমচ্যুতেজ্য ।।

—যে রূপ বৃক্ষের মূলদেশে সুষ্ঠুরূপে জল
সেচন করলেই উহার স্কন্ধ শাখা, উপশাখা,
পত্রপুষ্পাদি সকলেই সঞ্জীবিত হয়, প্রাণে আহাৰ্য্য
প্রদান করলে যে রূপ সমস্ত ইন্দ্রিয়েরই তৃপ্তি সাধিত
হয়, সেইরূপ একমাত্র শ্রীকৃষ্ণের পূজা দ্বারাই
নিখিল দেব পিত্রাদির পূজা হইয়া থাকে। গীতাতে
ভগবান বলছেন—

সৰ্ব্বধৰ্ম্মান্ পরিত্যজ্য মামেকং শরণং ব্রজ ।

অহং ত্বাং সৰ্ব্বপাপেভ্য মোক্ষয়িস্যামি মা শুচঃ।।

তার justification কি? আমার মনে আছে ছেলে বেলায় যখন ঝোক ছিল সাধু হয়ে যাব তখন গীতা পড়তে গিয়ে— শ্রেয়ান্ স্বধৰ্ম্মো বিগুণঃ পরধৰ্ম্মাৎ স্বনুষ্ঠিতাৎ। স্বধৰ্ম্মে নিধনং শ্রেয়ঃ পরধৰ্ম্মো ভয়াবহঃ।।

এই যায়গায় ঘাবড়ে যেতাম যে বেশী বাড়াবাড়ি করব না— পরধৰ্ম্ম ভয়াবহ। কিন্তু যখন আবার ‘সৰ্ব্বধৰ্ম্মান পরিত্যজ্য মামেকং শরণং ব্রজ’ এই শ্লোকের চিন্তা করতাম তখন গায়ে বল হয়ে যেত।

একটা কনষ্টিটিউশানেল মেথড্ আর একটা বৈপ্লবিক মেথড্। ‘সৰ্ব্বধৰ্ম্মান পরিত্যজ্য মামেকং শরণং ব্রজ’ এর জাস্টিফিকেশন হচ্ছে, যে যেখানে আছ সমস্ত কর্তব্য পরিত্যাগ করে আমার দিকে এগোও, আমি রক্ষা করব চিন্তা নেই। এরকম আশ্বাসবাণীর ঘোষণা দিচ্ছেন, যেখানে যে

পজিসনে আছ সব ছেড়ে Absolute Call এ
সাড়া দাও। তখন Relative Call-এর কোন
দাম থাকে না। দেশে যখন যুদ্ধ বাধে তখন জরুরী
অবস্থা ঘোষণা করে দেওয়া হয়, তখন গভর্নমেন্টের
ক্ষমতা অনেক বেড়ে যায় তখন সাধারণের সম্পত্তি
গভর্নমেন্টের অধিকারে এসে যায়। সুতরাং
Absolute Call মানেই যে যেখানে যে
পজিসনে আছ আমার দিকে এগোও আমি দেখব।

সুতরাং শ্রদ্ধা, ভক্তি এসব থাকা চাই। ভক্তি
জন্মে কোথা হতে, ‘ভক্তিস্তু ভগবৎ ভক্ত-সঙ্গেন
পরিজায়তে, ভক্তি জন্মে ভক্তের সঙ্গে। ‘কৃষ্ণভক্তি
জন্ম মূল হয় সাধুসঙ্গ’, দীপ থেকে যেমন দীপের
জন্ম তেমনি সাধুর ভেতর যে ফ্লেম ঐ ফ্লেম থেকে
জ্বালিয়ে নাও তোমার হৃদয়েতে। আর সাধুসঙ্গ
পাওয়া যায় কি করে? সুকৃতির দ্বারা। সুকৃতি দুই
প্রকার, জ্ঞাত সুকৃতি আর অজ্ঞাত সুকৃতি হয়। সেটা

জেনেও হতে পারে না জেনেও হতে পারে। আমার
অজানা অবস্থায় হলে অজ্ঞাত সুকৃতি। তারপর শ্রদ্ধা
faith ভেতরে এসে যায়। শ্রদ্ধা বা faith এবং
সেটি প্রকৃত faith হওয়া চাই। প্রকৃত faith
তাকে শ্রদ্ধা বলে। ‘শ্রদ্ধাময়োং লোক’ উপনিষদে
এই কথা বলেছেন। যেমন কান থাকলে শব্দ জগৎ
আছে। চোখ থাকলে রূপ জগৎ আছে তেমনি শ্রদ্ধা
থাকলে ঐ ভগবৎ-ধাম আছে। শ্রদ্ধার সাহায্যে
সেই লোকটাকে দেখা যায়, অনুভব করা যায়
‘বিশ্বপূর্ণ সুখায়তে’।

শ্রীকৃষ্ণচৈতন্য প্রভু নিত্যানন্দ

শ্রীঅদ্বৈত গদাধর শ্রীবাসাদি গৌরভক্তবৃন্দ

হরে কৃষ্ণ হরে কৃষ্ণ কৃষ্ণ কৃষ্ণ হরে হরে

হরে রাম হরে রাম রাম রাম হরে হরে

ইথার একটি জড় উপাদান যাহা চোখে দেখিতে
পাই না, কেবল তার শক্তিকে অনুভব করিতে
পারি। তাহা বর্তমান জগতে কী অলৌকিক কার্য্য
করিতেছে, রেডিও, টেলিভিশন, ই-মেল ইত্যাদি
সর্বত্র এই শক্তির ব্যবহার চলিতেছে। আর হরিনাম
তো চিন্ময় বস্তু তাঁহার শক্তির তুলনা এই জগতের
কোন কিছুর দ্বারা হয় না। এই শব্দ ব্রহ্ম জীবকুলকে
সবথেকে নীচুস্তর হইতে তুলিয়া সর্বশ্রেষ্ঠ প্রাপ্তি
ভগদ্বামে সেবা পর্য্যন্ত দিতে পারে।

—শ্রীল ভক্তিসুন্দর গোবিন্দ দেবগোস্বামী মহারাজ

শুদ্ধভক্ত ও শাস্ত্রের সাহায্যে আমাদের বিশ্বাসকে উন্নত করা উচিত। এই জড় জগৎ যে অসৎ বা অস্থায়ী এবং অপ্রাকৃত জগৎ যে সৎ বা নিত্য তা বুঝতে সাধু ও শাস্ত্র আমাদেরকে সাহায্য করেন। সেই সময় জড় জগৎকে আমাদের কাছে রাত্রি মনে হবে, অপ্রাকৃত জগৎ কে মনে হবে দিন। বর্তমানে অপ্রাকৃত জগৎ আমার কাছে অন্ধকারময়, আর মরণশীল এই জগতে আমরা জেগে রয়োছি। একজনের কাছে যা রাত্রিস্বরূপ অন্যের কাছে না দিন। আইনষ্টাইন বা নিউটন যা দেখতে পেয়েছেন একজন সাধারণ লোক তা দেখতে পাবে না। একজন সাধারণ লোকের কাছে যা গুরুত্বপূর্ণ একজন সাধুর কাছে তা উপেক্ষিত। সুতরাং আমাদের এই জড় জগতের সুবিধা লাভকে উপেক্ষা করে সেই অপ্রাকৃত নিত্যজগতে প্রবেশ করার চেষ্টা করতে হবে।

কৃষ্ণনাম ধরে কত বল।
বিষয় বাসনানলে, মোর চিত্ত সদা জ্বলে,
রবিতপ্ত মরুভূমি সম।
কর্ণরন্ধ্র পথ দিয়া, হৃদি মাঝে প্রবেশিয়া,
বরিষয় সুখা অনুপম।।

— শ্রীল ভক্তিবিনোদ ঠাকুর

শুদ্ধ ভকত চরণ রেণু
ভজন অনুকূল।
ভকত সেবা পরমসিদ্ধি
প্রেম লতিকার মূল।।

— শ্রীল ভক্তিবিনোদ ঠাকুর

“ইন্দ্রিয়ের জন্য স্বাধীনতা
বন্ধনের কারন,
ইন্দ্রিয়ের হাত থেকে স্বাধীন
হওয়াই প্রকৃত স্বাধীনতা”

— শ্রীশ্রী ভক্তিরস্কক শ্রীধর দেবগোস্বামী মহারাজ